

Իրրի առանցքային հարցը հայ և վրաց ժողովուրդների աղատագրական պայքարի լուսա-
րանումն է: Փաստական հարուստ նյութերի հիման վրա հեղինակը բազմակողմանիորեն լուսա-
րանում է երկու դրացի ժողովուրդների համատեղ պայքարի դրվագները, սերտորեն միմյանց
կապակցված ապատալության ակնկալությունների ելևէջները, Ռուսաստանի և հատկապես Պետ-
րոս I-ի դերը այդ ղղձանքներին որոշակի ձևավորում տալու, դորձնական պլանների մշակման
և դորձնական բայթերի դիմելու դորձում: Հեղինակը դիտականորեն բացահայտել է ազատա-
գրական շարժման հայ և վրաց ղեկավարների քաղաքական կապերն ու բանակցությունները
Ռուսաստանի հետ, նրանց ջանքերը՝ միացյալ ճակատ ստեղծելու պարսկական «ժոտանգություն»-
ներ ստիբանալու մարմադով տարված ադրեսիվ Քուրբիայի դեմ: Նա րացահայտում է վրաց թա-
ղավոր Վախթանգ VI-ի, Նսայի կաթողիկոս Հասան-Ջալալյանի, Դավիթ-բեկի, Ավան Յուդրա-
շու, Իվան Կարապետի և այլոց գործունեությունը հիշյալ ճակատը կազմակերպելու գործում:
Հեղինակի ուշադրությունն էլն վրիպել դիվանագիտական այն բոլոր զիզագները, որոնք երբեմն
ուրվագծվում են վավերագրերում, բայց և դրանցից հախուռն եզրակացություններ չի անում:
Նա, օրինակ, ճիշտ է հասկացել Նսայի Հասան-Ջալալյանի զրազրություններում տեղ գտած այն
ականակները, որոնք որոշ պատմաբանների համար անհիմն առիթ ծառայեցին քաղաքական այդ
խոշոր գործին, հայ աղատագրական շարժման այդ մեծ երախտավորին մեղադրելու «դավա-
ճանություն» մեջ, մինչդեռ նա մինչև իր կյանքի վերջն էլ անզավաճան ծառայեց այն գործին,
որին որդեգրվել էր սերխասարդ տարիքից:

Մեր կաթիլով հեղինակի ծառայությունների մեկը պետք է համարել այն, որ նրան հաջողվել է հշտել առ այսօր անառարկելի համարված Արրա՛շմ Երևանցու այն տեղեկությունը, թե Երևանը թուրքական զորքերի կողմից գրավվել է 1724 թ. հունիսի 7-ին: Նրա երևան հա-

նաժ փաստաթղթերը վկայում են, որ Երևանը ընկել է սեպտեմբերի 22-ին. այսինքն. Երևանը հերոսական պաշտպանությունը ավելի երկարատև է եղել:

Վ. Մարտիրոսյանի շրջանառության մեջ դրած մի շարք վավերագրեր գալիս են ապացուցելու, որ, հակառակ արտահայտված մի շարք կարծիքների. Արցախի դիմադրությունը թուրքերին 1727 թ. չի կոտրվել, որ Սղնախները շարունակել են պայքարը դրանից հետո էլ՝ մինչև 1730 թ.: Այստեղ հարկ է նշել, որ 1730 թ. էլ չի կարելի Սղնախների դիմադրության վերջնական համարել, որ թուրքերին այնպես էլ չհաջողվեց մինչև վերջ խորտակել Արցախի դիմադրական կորովը: Այդ նույն վավերագրերը բազմաթիվ նոր մանրամասնություններ են պարունակում հայ, վրացի և ադրբեջանցի ժողովուրդների ազատագրական պայքարի զանազան զրվագների վերաբերյալ: Սրանցից բացի կան նաև մի շարք այլ նոր փաստեր. որոնք, անշուշտ, հարստացնում են մեր տեղեկությունները այդ հերոսական ժամանակաշրջանի վերաբերյալ: Հատկապես կարևոր է վրաց Կոստանդին II (Մամուկ-Ղուլի-խան) թագավորի գործունեության ճշմարտացի լուսաբանումը (նրա գերը Գանձակի, Երևանի և այլ վայրերի պաշտպանության գործում, կապերը Ռուսաստանի հետ և այլն):

Հարկ ենք համարում նշել, որ գրքում տեղ են գտել նաև մասնակի թերություններ, որոնց մեծ մասը նախկինում հայտնված տեսակետների ոչ քննադատարար ընկալելու կամ թերևս հեղինակությունների առջև խոնարհվելու հետևանք է: Այսպես, խոսելով այսպես կոչված Գանձակի պայմանագրի մասին, Վ. Մարտիրոսյանը գրում է. «Հայկական սղնախների ղեկավարները և Գանձակի մահմեդական ֆեոդալները համատեղ պայքարի դաշն կնքեցին ընդդեմ զավթիչների և նրանց դադստանցի գործակալ ֆեոդալներին» (էջ 157): Անհասկանալի է մնում և խորթ է հրեշտում Գանձակի մահմեդական ֆեոդալներ արտահայտությունը, որը անհարկի մտցված է մեր պատմական գրականության մեջ: Ինչպես հայտնի է, Գանձակի մահմեդական բնակչության կողմից պայմանագիրը ստորագրել են, թաղամաս առ թաղամաս, հոգևորականները, քեթիուղաները և առհասարակ բնակչությունը. պայմանագրի տակ հարյուրավոր ստորագրություններ կան: Մի՞թե Գանձակում ֆեոդալական դասը նման մեծ թիվ էր կազմում: Ուստի և սխալ է այդ պայմանագիրը կնքված համարել Գանձակի մահմեդական ֆեոդալների հետ, զրկել այն ժողովրդական լայն հիմքից, որ իրականում ունեի:

Տարօրինակ պետք է համարել, որ սկսած հանգուցյալ Պ. Հարությունյանից, մեր պատմագիտության մեջ տարբերակում է գրվում Արցախի և Սյունիքի ազատագրական շարժումների միջև, ընդ որում, Սյունիքի շարժմանը հաղորդվում է սոցիալական-դասակարգային երանգավորում: Մասնավորապես Վ. Մարտիրոսյանը, հետևելով նախորդ հեղինակներին, գրում է. «Նրա (Դավիթ-բեկի— Վ. Դ.) գլխավորած ազատագրական պայքարը ստանում էր սոցիալական-դասակարգային երանգավորում. գյուղացիության լայն մասնակցությունը ազատագրական պայքարին, անշուշտ, իր կնիքն էր դնում այդ պայքարի վրա» (էջ 114—115): Այդպիսով, Սյունիքի ապստամբական շարժումը իր բովանդակությամբ անհիմն կերպով հակադրվում է Ղարաբաղի և այլ վայրերի շարժումներին: XVIII դ. 20-ական թվականների հայ ազգային-ազատագրական շարժումն Անդրկովկասում ժողովրդական էր, որի հենքը կազմում էին գյուղացիական զանգվածները, որպես բնակչության ամենաստվար տարրը: Այնուհետև. ազատագրական շարժումն ինքնուրույն նաև սոցիալական ու դասակարգային շարժում է, որովհետև ուղղված է օտար տիրակալության և օտար տիրող դասի դեմ: Հետևաբար, ապստամբական շարժումն ամենուր պետք է կրեր սոցիալ-դասակարգային բնույթ: Սյունիքում տատանողական կամ դավաճանական վարքագիծ որդեգրած մեկ-երկու «ֆեոդալներին» դեմ կիրառված պատժիչ միջոցները գեոս և լեն խոսում այն մասին, որ Սյունիքի և Արցախի շարժումների բովանդակությունը այլադաս էր:

Ցավով պետք է նշել, որ հեղինակը բոլորովին չի խոսում ռուսական կապիտալական կորպուսի կազմում գործած հայկական և վիրահայկական էսկադրոնների մասին, մինչդեռ դրանց անդրադառնալն, անկասկած, ավելի կատարյալ կդարձներ մեր ժողովուրդների համագործակցության պատկերը:

Ամփոփելով ասվածը, հարկ ենք համարում կրկնել, որ Վ. Մարտիրոսյանի հեղինակած գիրքը այս օրերին, երբ Սովետական Միության ժողովուրդները պատրաստվում են նշելու ՍՍՀՄ կազմավորման 50 տարին, խիստ արդիական նշանակություն է ստանում, քանի որ պատմարանի անաչառ գրչով ներկայացնում է երկու դարացի ժողովուրդների ազատագրական հերոսական պայքարի անմոռաց զրվագները, Ռուսաստանի հետ զինակցություն հաստատելու ձգտումը:

Վ. Ա. ԳԻՆՈՅԱՆ